



## JUDISIAL SISTEM MONITORING PROGRAMME

### PROGRAMA DE MONITORIZASAUN DO SISTEMA JUDISIAL

#### **Komunikadu Imprensa**

**Periodu: Juñu 2012**

**Edisaun: 12 Juñu 2012**

#### **JSMP kontinua realiza treinamentu ba lider komunidade feto iha Suco Maubisse Vila-Distritu Ainaro**

Iha loron 06 no 07 fulan Juñu 2012, JSMP liu husi Unidade Justisa ba Feto hala'o programa treinamentu ba lider komunidade feto iha Suco Maubisse Vila Sub-Distritu Maubisse, Distritu Ainaro. Programa treinamentu ne'e realiza tanbá hetan apoiu masimu husi estrutura iha suco refere.

Programa treinamentu ne'e ho topiku *Lei Kontra Violénsia Doméstika, Kódigu Penál no Prosesu Penal husi perspetiva jéneru*. Partisipantes ne'ebé partisipa iha treinamentu ne'e, hamutuk nain 21 ne'ebé kompostu husi lider feto ne'ebé tur iha estrutura suco no membru grupu feto iha suco refere.

Diretor JSMP Luis de Oliveira Sampaio haktuir katak "atividade treinamentu ne'ebé hala'o fokus ba lider komunidade feto ho objetivu atu hasa'e koñesimentu lideransa lokal sira, liu liu lideransa feto sira konabá lei aplikavel hanesan Kódigu Penál no Lei Kontra Violénsia Doméstika nune'e sira bele hatene saida mak regula iha lei ne'e.

Iha parte seluk partisipantes sira haktuir mos katak, trinamentu ne'e importante tebes tanbá esplika konabá sira nia direitu ne'ebé regula iha lei. Aleinde ne'e reprezentante feto haktuir katak, sira sei nafatin presiza JSMP nia prezensa iha futuru hodi bele haklean liu tan koñesimentu feto iha asuntu lei no direitus umanus.

JSMP hein katak ho atividade hirak ne'e, bele kontinua hametin diak liu koñesimentu komunidade iha área rural sira, no liu-liu atu fasilita sira, mekanismu no opsaun oinsa atu trata kazu sira relasiona ho krimi violénsia bázeia ba jéneru nian.

Programa treinamentu ne'e realiza tanbá hetan suporta finanseiru husi **The Royal Norwegian Embassy** iha Jakarta-Indonezia.

Atu hetan informasaun kompletu bele kontaktu direitamente:

Luis de Oliveira Sampaio  
Diretor Ezekutivu JSMP  
Telefone : 3323883/7295795  
Diresaun e-mail, [luis@jsmp.minihub.org](mailto:luis@jsmp.minihub.org)